

# CHAMPS D-WORMS 6 CHEWABLE TABLET (CHOCOLATE)

Albendazole (200 mg)

## Apakah yang ada pada risalah ini

1. Apakah kegunaan Champs D-Worms
2. Bagaimana Champs D-Worms berfungsi
3. Sebelum menggunakan Champs D-Worms
4. Cara menggunakan Champs D-Worms
5. Semasa menggunakan Champs D-Worms
6. Kesan-kesan sampingan
7. Cara penyimpanan dan pelupusan Champs D-Worms
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RIMUP

## Apakah kegunaan Champs D-Worms

Champs D-Worms digunakan untuk merawat jangkitan tunggal atau pelbagai cacing termasuk cacing gelang, cacing cambuk, cacing kait, cacing benang, cacing kerawit dan cacing pita.

## Bagaimana Champs D-Worms berfungsi

Champs D-Worms mengandungi albendazole sebagai bahan aktif. Albendazole membunuh cacing-cacing ini dengan menyebabkan mereka tiada bekalan tenaga. Is berkesan terhadap telur, larva dan cacing dewasa.

## Sebelum menggunakan Champs D-Worms

### - Bila tidak boleh menggunakan

Jangan menggunakan ubat ini jika anda alah terhadap

- albendazole
- sebarang bahan kandungan lain yang disenaraikan di akhir risalah ini

Jangan mengambil ubat ini jika anda hamil atau anda mengesyaki anda hamil.

Champs D-Worms tidak disarankan untuk penggunaan di kalangan kanak-kanak bawah umur 1 tahun.

Jangan menggunakan ubat ini selepas tarikh luput pada pek ini atau jika terdapat tanda koyakan atau dibuka pada pembungkusan.

Jika ia sudah luput atau rosak, kembalikan kepada ahli farmasi anda untuk dilupuskan.

Jika anda tidak pasti sama ada anda patut mula menggunakan ubat ini, sila tanya doktor anda.

### - Sebelum menggunakan Champs D-Worms

Beritahu doktor anda jika anda mempunyai alahan terhadap sebarang ubat lain, makanan, pengawet atau pewarna.

### - Jika mengambil ubat-ubat lain

Beritahu doktor atau ahli farmasi anda jika anda sedang mengambil ubat lain, termasuk sebarang ubat yang anda beli tanpa preskripsi dari farmasi, pasaraya atau kedai makanan kesihatan.

Doktor dan ahli farmasi anda mempunyai lebih banyak maklumat tentang ubat lain yang perlu diberi perhatian atau dielakkan semasa mengambil Champs D-Worms.

## Cara menggunakan Champs D-Worms

Patuhi semua arahan yang diberikan oleh doktor atau ahli farmasi anda dengan teliti.

Arahan-arahan ini mungkin berbeza daripada informasi yang terkandung dalam risalah ini.

Sekiranya anda tidak faham arahan pada pek, tanya doktor atau ahli farmasi anda.

### - Berapa banyak harus digunakan

*Untuk jangkitan cacing gelang, cacing cambuk, cacing kait atau cacing kerawit*

Kanak-kanak umur 1 hingga 2 tahun:  
Ambil 1 biji sebagai dos tunggal

Kanak-kanak umur 2 tahun ke atas dan dewasa:  
Ambil 2 biji sebagai dos tunggal

*Untuk jangkitan cacing benang atau cacing pita*

Kanak-kanak umur 1 hingga 2 tahun:  
Ambil 1 biji sehari untuk 3 hari berturut-turut

Kanak-kanak umur 2 tahun ke atas dan dewasa:  
Ambil 2 biji sehari untuk 3 hari berturut-turut

*Untuk jangkitan pelbagai cacing*

Ambil 2 biji 2 kali sehari untuk 3 hari berturut-turut

### - Bila perlu digunakan

Ambil Champs D-Worms seperti yang diarahkan oleh doktor anda.

### - Berapa lama perlu digunakan

Ambil Champs D-Worms seperti yang diarahkan oleh doktor anda.

### - Jika terlupa menggunakan

Ambil dos yang tertinggal sebaik sahaja anda teringat.

Jangan gantikan dos untuk menggantikan dos yang terlupa dengan mengambil lebih daripada satu dos pada masa yang sama. Ini

mungkin meningkatkan peluang anda mendapat kesan sampingan.

- *Jika mengambil berlebihan (terlebih dos)*

Jika anda fikir anda atau orang lain mungkin terlebih mengambil Champs D-Worms, hubungi doktor anda untuk mendapatkan nasihat atau pergi ke bahagian kecemasan hospital yang terdekat dengan segera.

Ini mesti dilakukan walaupun tiada tanda ketidakselesaan atau keracunan.

Anda mungkin memerlukan rawatan perubatan dengan segera.

**Semasa menggunakan Champs D-Worms**

- *Perkara yang perlu dilakukan*

Beritahu semua doktor, doktor gigi dan ahli farmasi yang sedang merawat anda bahawa anda sedang mengambil Champs D-Worms.

Jika anda akan mula mengambil sebarang ubat baru, beritahu doktor dan ahli farmasi anda bahawa anda sedang mengambil Champs D-Worms.

Ambil Champs D-Worms seperti yang diarahkan oleh doktor anda.

Beritahu doktor anda jika anda hamil semasa mengambil Champs D-Worms.

- *Perkara yang tidak boleh dilakukan*

Jangan mengambil Champs D-Worms untuk merawat sebarang masalah lain melainkan diarah oleh doktor anda.

Jangan beri ubat ini kepada orang lain, walaupun mereka mengalami keadaan yang sama seperti anda.

- *Perkara yang perlu diberi perhatian*

Berhati-hati apabila memandu atau mengendalikan mesin sehingga anda tahu bagaimana Champs D-Worms mempengaruhi anda.

**Kesan-kesan sampingan**

Semua ubat boleh membawa kesan sampingan. Kadang-kala kesan sampingan ini serius, tetapi selalunya tidak.

Minta nasihat doktor atau ahli farmasi anda jika anda mempunyai sebarang kebimbangan mengenai kesan mengambil ubat ini.

Beberapa kesan-kesan sampingan Champs D-Worms termasuk gangguan gastrousus seperti sakit perut, cirit-birit, rasa loya atau muntah-muntah, sakit kepala dan rasa pening.

Beritahu doktor atau ahli farmasi anda jika anda mendapati apa-apa yang membuatkan anda rasa tidak sihat. Kesan sampingan lain yang tidak disenaraikan di atas mungkin berlaku di kalangan sesetengah orang.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web [npra.moh.gov.my](http://npra.moh.gov.my) (*Public* → *Reporting Medicinal Problems / Side Effects / AEFI / Vaccine Safety*).

**Cara penyimpanan dan pelupusan Champs D-Worms**

- *Penyimpanan*

Simpan ubat anda dalam peknyanya sehingga tiba masa untuk mengambilnya.

Simpan ubat anda di tempat yang kering dan suhu bawah 30°C.

Jangan simpan Champs D-Worms atau ubat lain dalam bilik mandi atau dekat sinki.

Simpan di tempat yang tidak boleh dicapai oleh kanak-kanak.

- *Pelupusan*

Jika doktor atau ahli farmasi anda mengarahkan anda berhenti mengambil Champs D-Worms atau ubat ini sudah melepasi tarikh luputnya, sila tanya ahli farmasi anda

apa yang patut dilakukan dengan sebarang ubat yang tinggal.

**Maklumat lanjut**

- *Rupa dan warna produk*

Pil berdiameter 16mm, berbentuk bulat, cembung, berperisa coklat, bertanda 'CHAMPS' pada satu permukaan, berwarna coklat.

- *Bahan-bahan kandungan*

- Bahan aktif
  - Albendazole
- Bahan tidak aktif
  - Icing sugar
  - Kollidon 30
  - Chocolate brown HT
  - Full cream milk powder
  - Isopropyl alcohol
  - Magnesium stearate
  - Malt extract
  - Mannitol
  - Cocoa powder

- *Nombor MAL*

MAL20013131XZ

**Pengilang**

UPHA Pharmaceutical Mfg (M) Sdn Bhd (53667-M)  
Lot 2 & 4, Jalan P/7, Section 13, Bangi Industrial Estate, 43650 Bandar Baru Bangi, Selangor Darul Ehsan.

**Pemegang Pendaftaran Produk**

UPHA Pharmaceutical Mfg (M) Sdn Bhd (53667-M)  
Lot 2 & 4, Jalan P/7, Section 13, Bangi Industrial Estate, 43650 Bandar Baru Bangi, Selangor Darul Ehsan.

**Tarikh kemaskini RiMUP**  
29/05/2017

**Nombor Siri:**  
BPFK (R4/1)260517/00120